





Këshilli i Mediave të Shkruara të Kosovës
Press Council of Kosovo
Savet Stampe Kosova

ETIKOS

Etika e raportimit në media online

2023





Schweizerische Eidgenossenschaft
Confédération suisse
Confederazione Svizzera
Confederaziun svizra

Federal Department of Foreign Affairs FDFA

Autor dhe botues: Këshilli i Mediave të Shkruara të Kosovës (KMShK)

www.presscouncil-ks.org

Ky raport është mbështetur nga Ambasada e Zvicrës në Kosovë. Gjetjet dhe konkluzionet e paraqitura këtu janë të autorit dhe nuk pasqyrojnë domosdoshmërisht ato të donatorit.

Shkurt, 2024

PËRMBAJTJA

HYRJE	2
METODOLOGJIA	3
PRETENDIMET E SHKELJEVE ETIKE NË MEDIAT ONLINE	4
ANKESAT E MIRATUARA DHE TË REFUZUARA	6
PËRFUNDIME	11
ANEKS 1 – KODI I MEDIAVE TË SHKRUARA TË KOSOVËS	12
ANEKS 2 – ANKESAT E PRANUARA DHE TË TRAJTUARA GJATË VITIT 2023	16

Hyrje

Këshilli i Mediave të Shkruara të Kosovës (KMSHK) është një trup vetërregullues i formuar për dhe nga sektori i mediave të shkruara. Misioni i tij mbështetet mbi bindjet e Kodit të Mediave të Shkruara të Kosovës. KMSHK është themeluar me ndihmën e OSBE-së në Kosovë në shtator të vitit 2005, ndërsa Zyra e KMSHK-së akti vitetin e rregullt e ka filluar në dhjetor të vitit 2005.

Fjala e lirë, e drejta e qytetarëve për t'u informuar plotësisht, me kohë dhe respektimi në tërësi i kodit etik të gazetarisë janë baza mbi të cilën vepron KMSHK. Qëllimi i KMSHK-së është ta mbrojë qytetarin nga shkrimet e pavërteta, si dhe ta mbrojë gazetarin nga ankesat e pambështetura.

Këshilli i Mediave të Shkruara të Kosovës ka mbi 50 anëtarë të rregullt dhe numri i tyre është duke u rritur. Kuvendi i anëtarëve përbëhet nga përfaqësuesit e gazetave, portaleve të lajmeve, revistave periodike, agjencive të lajmeve dhe të blogjeve.

Strategjia e KMSHK-së për periudhën 2019-2024 shtrihet në fuqizimin e respektimit të Kodit të Mediave të Shkruara të Kosovës, edukimin e brezave të rinj të gazetarëve dhe studentëve të gazetarisë lidhur me parimet e Kodit të Mediave të Shkruara, me qëllim të sigurimit të së drejtës së qytetarëve për t'u informuar drejt dhe me kohë.

Shkeljet e Kodit të Mediave të Shkruara të Kosovës kanë vazhduar të paraqiten kundër mediave anëtare dhe joanëtare, ndërsa Këshilli ka vazhduar të shtyjë përpara misionin e vet të ruajtjes së profesionalizmit medial në Kosovë.

Gjatë vitit 2023, KMSHK-ja ka pranuar **gjithsej 184 ankesa**.

Në mbledhjet e mbajtura gjatë vitit 2023, Këshilli i Mediave të Shkruara të Kosovës (KMSHK) **ka miratuar plotësisht 42 ankesa (rreth 23 për qind), ka miratuar pjesërisht 55 ankesa (rreth 30 për qind), ka hedhur poshtë 68 ankesa (rreth 37 përqind), 18 prej tyre (rreth 10 për qind) janë shpallur të patrajtueshme, ndërsa 1 ankesë (rreth 0.5 për qind) e paafatshme.**

Sikurse edhe viteve paraprake, ankesat kryesisht kanë pasur të bëjnë me kapitullin që trajton raportimin e së vërtetës dhe lajmet e rreme, ndërsa ka pasur edhe ankesa lidhur me të drejtën për t'u përgjigjur, si dhe privatësinë dhe mbrojtjen e burimeve.

Metodologjia

Ky raport është realizuar duke u mbështetur në të dhënat që Këshilli i Mediave të Shkruara të Kosovës (KMShK) i ka marrë dhe i ka procesuar gjatë vitit 2023.

Duke marrë parasysh se ankesat që i pranon Këshilli i Mediave të Shkruara të Kosovës zakonisht përmbajnë më shumë se një pretendim të shkeljeve të Kodit të Mediave të Shkruara të Kosovës, raporti është përpiluar asisoj duke kategorizuar:

- Pretendimet e shkeljeve të Kodit të Mediave të Shkruara të Kosovës – ku janë përfshirë të gjitha pretendimet që KMShK-ja i ka pranuar gjatë vitit 2023 lidhur me shkeljet e Kodit të Mediave të Shkruara të Kosovës dhe


- Vendimet e marra nga Këshilli i Mediave të Shkruara të Kosovës lidhur me pretendimet në fjalë. Këtu hyjnë shkeljet e miratuara dhe ato të refuzuara.

Arsyeja për një metodologji të këtillë është që mediave tona anëtare dhe opinionit të gjerë t'ua ofrojmë një pasqyrë të asaj që ata hasin në media online çdo ditë, pra të atij raportimi që opinion publik rëndom e konsideron si joprofesional, si shkelje të Kodit të Mediave të Shkruara të Kosovës.

Pra, fokusi në pretendimet e shkeljeve është që të ofrohet një pasqyrë mbi perceptimin e opinionit rreth cilësisë dhe profesionalizmit të raportimit medial në Kosovë.

Pretendimet e shkeljeve etike në mediat online

Gjatë vitit 2023, KMSHK ka pranuar **gjithsej 184 ankesa**, ose 60 përqind më shumë se në vitin 2022.




Grafika 1. Numri i përgjithshëm i ankesave gjatë vitit 2023

Në mbledhjet e mbajtura gjatë vitit 2023, KMSHK ka miratuar plotësisht 42 ankesa, ka miratuar pjesërisht 55 ankesa, ka hedhur poshtë 68 ankesa, 18 prej tyre janë shpallur të patrajtueshme, ndërsa 1 ankesë e paafatshme.

Në këtë kapitull janë paraqitur të gjitha shkeljet e pretenduara të cilat Këshilli i Mediave të Shkruara i ka pranuar gjatë vitit 2023. Siç është cekur edhe në metodologjinë më lart, kjo pjesë shtjellon shkeljet e pretenduara, pra ankesat që KMSHK i ka pranuar nga opinioni publik dhe nga mediat e tjera lidhur me raporimin profesional, raportimin joetik, me kapitujt, paragrafët dhe pikat e Kodit të Mediave të Shkruara të Kosovës.

Gjatë vitit 2023, Këshilli i Mediave të Shkruara i ka procesuar 184 pretendime të shkeljeve të Kodit të Mediave të Shkruara të Kosovës.

Më poshtë, gjeni **pretendimet për shkelje** sipas muajve.



Grafika 2. Pretendimet e shkeljeve sipas muajve, 2023

Grafika tregon se trendi i dërgimit të ankesave në Këshillin e Mediave të Shkruara të Kosovës kryesisht është konstant. Përfundim këtu bëjnë muajt shkurt, mars, prill dhe maj, ku ka pasur më së shumti pretendime të shkeljeve të Kodit të Mediave të Shkruara të Kosovës, derisa në muajin korrik është pranuar vetëm një ankesë.

Në vijim është paraqitur numri i përgjithshëm i **vendimeve për shkelje** të kodit të etikës:

Numri i përgjithshëm i vendimeve gjatë vitit 2023



Grafika 3. Numri i përgjithshëm i vendimeve për shkelje të kodit të etikës

Në Këshillin e Mediave të Shkruara vazhdojnë të vijnë ankesat në lidhje me shkeljet e Kodit të Mediave të Shkruara të Kosovës, ndërsa problem më të madh në raportim - gjithmonë sipas lexuesve dhe atyre që preken drejtpërdrejt nga raportimi - vazhdon të jetë raportimi i së vërtetës, i cili është i rregulluar brenda Kapitullit II të Kodit të Mediave të Shkruara të Kosovës.

Pika 1 e këtij kapitulli thotë:

“Gjatë punës së tyre, gazetarët dhe redaktorët do të sigurojnë respekt për të vërtetën faktike dhe për të drejtën e publikut që ta dijë të vërtetën”.

Po ashtu, diçka që tradicionalisht ka qenë lëndë e ankesave drejtuar Këshillit të Mediave të Shkruara të Kosovës, është demanti apo e drejta për t’u përgjigjur dhe Kodi i Mediave të Shkruara të Kosovës parasheh që: *“Është obligim i gazetarëve, redaktorëve dhe i gazetave, portaleve e agjensive të lajmeve që të botojnë reagime dhe/ose demante kur mediat publikojnë informata të pasakta për një individ apo organizatë”.*

Kështu, Raportimi i së vërtetës dhe E drejta për t’u përgjigjur, gjegjësisht Kapitulli II dhe Kapitulli IV i Kodit të Mediave të Shkruara të Kosovës vazhdojnë të jenë dy aspektet kryesore të cilat trajtohen nga Këshilli i Mediave të Shkruara të Kosovës dhe të cilat vazhdojnë të përbëjnë sfidë në raportimin e mediave online në Kosovë.

Ankesat e miratuara dhe të refuzuara

Në këtë kapitull shtjellohen ankesat - pra pretendimet e shkeljeve të Kodit të Mediave të Shkruara të Kosovës - të cilat Këshilli i Mediave të Shkruara të Kosovës i ka miratuar si të bazuara apo i ka hedhur poshtë si të pabazuara, të patrajtueshme dhe të paafatshme.

Siç u përmend edhe në metodologji, kjo pjesë shtjellon të gjitha pretendimet të cilat KMSHK i ka pranuar gjatë vitit 2023 dhe të gjitha vendimet, të cilat ky trup vetërregullues i mediave online i ka marrë lidhur me pretendimet në fjalë.

Këshilli i Mediave të Shkruara të Kosovës në vitin 2023 i ka mbajtur 10 mbledhje të kuvendit.

Gjatë vitit 2023, Këshilli i Mediave të Shkruara të Kosovës ka pranuar dhe ka shqyrtuar **gjithsej 184 ankesa**. (Ankesat dhe pretendimet e detajuara mund t'i gjeni në Aneksin 2).

Ankesat kryesisht kanë të bëjnë me shkeljet e pretenduara të:

- Kapitullit II (Raportimi i së vërtetës)
- Kapitullit III (Nxitja dhe gjuha e urrejtjes)
- Kapitullit IV (E drejta për t'u përgjigjur)
- Kapitullit V (Personat e përfshirë në incidente, aksidente, të arrestuar apo të akuzuar për vepra penale)
- Kapitullit VII (Privatësia dhe mbrotja e burimeve)
- Kapitullit XI (Të drejtat e autorit) të Kodit të Mediave të Shkruara të Kosovës.

Gjithashtu, ka pasur edhe shkelje të tjera të kapitujve Kodit të Mediave të Shkruara të Kosovës.

Sekretariati i KMSHK-së në raste të nevojshme ndërmjetëson me mediat në mënyrë që të gjendet një marrëveshje, duke mos pasur nevojë që të dërgohet ankesë.

Në grafikat në vijim mund t'i shihni të gjitha **vendimet e miratuara për vitin 2023, sipas muajve**.

Numri i ankesave dhe vendimet për janar - 5 ankesa



Grafika 4. Numri i vendimeve dhe ankesave për janar 2023

Numri i ankesave dhe vendimet për shkurt - 33 ankesa



Grafika 5. Numri i vendimeve dhe ankesave për shkurt 2023

Numri i ankesave dhe vendimet për mars - 28 ankesa



Grafika 6. Numri i vendimeve dhe ankesave për mars 2023

Numri i ankesave dhe vendimet për prill - 24 ankesa



Grafika 7. Numri i vendimeve dhe ankesave për prill 2023

Numri i ankesave dhe vendimet për maj - 32 ankesa



Grafika 8. Numri i vendimeve dhe ankesave për maj 2023

Numri i ankesave dhe vendimet për qershor - 12 ankesa



Grafika 9. Numri i vendimeve dhe ankesave për qershor 2023

Numri i ankesave dhe vendimet për korrik - 1 ankesë



Grafika 10. Numri i vendimeve dhe ankesave për korrik 2023

Numri i ankesave dhe vendimet për gusht - 10 ankesa



Grafika 11. Numri i vendimeve dhe ankesave për gusht 2023

Numri i ankesave dhe vendimet për shtator - 7 ankesa



Grafika 12. Numri i vendimeve dhe ankesave për shtator 2023

Numri i ankesave dhe vendimet për tetor - 4 ankesa



Grafika 13. Numri i vendimeve dhe ankesave për tetor 2023

Numri i ankesave dhe vendimet për nëntor - 16 ankesa



Grafika 14. Numri i vendimeve dhe ankesave për nëntor 2023

Numri i ankesave dhe vendimet për dhjetor - 12 ankesa



Grafika 15. Numri i vendimeve dhe ankesave për dhjetor 2023

Pretendimet e palëve, të cilat ankohen në Këshillin e Mediave të Shkruara të Kosovës, zakonisht janë për më shumë se një kapitull të kodit të etikës, të cilët mund të jenë shkelur nga mediat. Gjatë vitit 2023 ka pasur gjithsej **425 pretendime për shkelje**, nga të cilat janë evidentuar **146 shkelje** të kodit të etikës.

Më së shumti pretendime ka pasur për shkeljet e kapitujve II (Raportimi i së vërtetës), IV (E drejta për t'u përgjigjur), V (Personat e përfshirë në incidente, aksidente, të arrestuar apo të akuzuar për vepra penale) dhe VII (Privatësia dhe mbrojtja e burimeve).

Në vijim është paraqitur numri i përgjithshëm i **pretendimeve për shkelje** dhe numri i **shkeljeve** të etikës.

Numri i përgjithshëm i pretendimeve për shkelje dhe numri i shkeljeve të kodit të etikës



Grafika 16. Numri i përgjithshëm i pretendimeve për shkelje dhe numri i shkeljeve të kodit të etikës

Këtu është paraqitur numri i përgjithshëm i **pretendimeve për shkelje** të kodit të etikës sipas kapitujve.

Numri i përgjithshëm i pretendimeve për shkeljen e kodit të etikës sipas kapitujve

Kapitulli I	0
Kapitulli II	141
Kapitulli III	46
Kapitulli IV	106
Kapitulli V	68
Kapitulli VI	0
Kapitulli VII	62
Kapitulli VIII	0
Kapitulli IX	0
Kapitulli X	0
Kapitulli XI	2
Kapitulli XII	0
Gjithsej:	425

Grafika 17. Pretendimet për shkeljen e kodit të etikës sipas kapitujve

Ndërkaq, këtu është paraqitur numri i përgjithshëm i **shkeljeve** të kodit të etikës sipas kapitujve.


Numri i përgjithshëm i shkeljeve të kodit të etikës sipas kapitujve

Kapitulli I	0
Kapitulli II	55
Kapitulli III	2
Kapitulli IV	46
Kapitulli V	25
Kapitulli VI	0
Kapitulli VII	17
Kapitulli VIII	0
Kapitulli IX	0
Kapitulli X	0
Kapitulli XI	1
Kapitulli XII	0
Gjithsej:	146

Grafika 18. Shkeljet e kodit të etikës sipas kapitujve

Këtu është paraqitur numri i përgjithshëm i **pretendimeve për shkelje** të kodit të etikës sipas muajve.


Numri i përgjithshëm i pretendimeve për shkeljen e kodit të etikës sipas muajve



Grafika 19. Pretendimet për shkeljen e kodit të etikës sipas muajve

Ndërsa këtu është paraqitur numri i përgjithshëm i **shkeljeve** të kodit të etikës sipas muajve.

Numri i përgjithshëm i shkeljeve të kodit të etikës sipas muajve



Grafika 20. Shkeljet e kodit të etikës sipas muajve

Përfundime

Këshilli i Mediave të Shkruara të Kosovës (KMSHK), si trup vetërregullues i mediave të shkruara dhe online në Kosovë, synon që pjesë të veten të bëjë sa më shumë media. Në këtë mënyrë, ato obligohen të respektojnë Kodin e Etikës dhe, po ashtu, të kontribuojnë për një gazetari etike dhe të përgjegjshme.

Trendi i ankesave dhe pretendimeve të ngritura nga palët gjatë periudhës së raportimit është në rritje, krahasuar me periudhat paraprake.

Sipas të dhënave të përfshira në këtë raport, KMSHK ka pranuar më së shumti ankesa me pretendimin se janë shkelur kapitujt që kanë të bëjnë me raportimin e së vërtetës dhe të drejtën për t'u përgjigjur, por vërehet edhe shtimi i numrit të ankesave që kanë të bëjnë me trajtimin e tragjediave personale, mbrojtjen e fëmijëve dhe të miturve, si dhe privatësinë dhe mbrojtjen e burimeve.

Gjatë kësaj periudhe më shumë se gjysma e ankesave janë miratuar, janë refuzuar rreth 37 për qind e ankesave, një numër ankesash janë orientuar në Komi sionin e Pavarur për Media (KPM), pasi që kanë pasur të bëjnë me shkelje e pretenduara në televizione, ndërsa disa ankesa janë shpallur të patrajtueshme, sepse kanë pasur të bëjnë me rrjetet sociale, të cilat nuk janë në përgjegjësinë e KMSHK-së.

KMSHK ka shqyrtuar edhe ankesa të mediave ndaj mediave të tjera, të cilat kanë pasur të bëjnë me të drejtën e autorit.

KMSHK do të vazhdojë t'i inkurajojë të gjithë konsumuesit e përmbajtjeve mediale në mediat e shkruara dhe online që, për të gjitha pretendimet për shkelje etike, t'i drejtohen këtij trupi vetërregullues.

Po ashtu, do të vazhdojë të punojë ngushtë me media, me akterë relevantë në fushën e gazetarisë dhe partnerë nga sektori joqeveritar, akademik dhe institucionet, për edukimin medial dhe respektimin e etikës gjatë raportimit.

Aneksi 1 – Kodi i Mediave të Shkruara të Kosovës

Preambula

Ky kod, i cili mbështetet në standardet ekzistuese ndërkombëtare të praktikës së gazetarisë, shërben si bazë për sistemin vetërregullues i cili do të konsiderohet profesionalisht dhe moralisht i obligueshëm për gazetarë, reporterë, redaktorë, pronarë dhe botues të gazetave, mediave online (portaleve të lajmeve) dhe agjencive të lajmeve (tutje mediat e shkruara). Gazetarët dhe redaktorët do të respektojnë parimet etike në vijim dhe do të mbrojnë integritetin profesional të gazetarisë. Redaktorët dhe botuesit do të sigurojnë që i gjithë stafi të jetë i informuar për këtë kod. Për më tepër, ata do të sigurojnë respektimin e të gjitha dispozitave të këtij kodi. Këto rregulla vlejnë edhe për video storiet e prodhuara/publikuara në mediat e shkruara.

I. Dispozitat e përgjithshme

1. Është detyrë e gazetarëve dhe e redaktorëve të respektojnë të drejtën e qytetarëve për informim me kohë dhe në plotëni. Gazetarët dhe redaktorët do të mbrojnë parimet e lirisë së informimit, të drejtën e komentimit të duhur dhe të gazetarisë kritike.
2. Mediat e shkruara do të respektojnë standardet ndërkombëtare të mirësjelljes dhe të diversitetit etnik, kombëtar, racor, gjinor, seksual, kulturor e fetar.
3. Gazetarët dhe redaktorët nuk do të inkurajojnë, qëllimisht apo tërthorazi, diskriminimin dhe jotolerancën. Po ashtu, i gjithë informacioni nga ta duhet të mbledhet në mënyrë etike.
4. Gazetarët nuk do të veprojnë si përfaqësues të opinionit publik. Mediat nuk mund t'i zëvendësojnë funksionet specifike të autoriteteve apo institucioneve publike.
5. Gazetarët duhet të zbatojnë me kujdes rregullat e gjuhës në të cilën ata shkruajnë.
6. Vëzhgimi kritik i implementimit të pushtetit politik dhe ekonomik do të jetë ndër obligimet qenësore të mediave të shkruara.
7. Mediat do të tregojnë transparencë në çështjet e pronësisë dhe të menaxhimit, duke u mundësuar kështu qytetarëve të dinë se kush janë pronarët dhe cili është interesi i tyre ekonomik në media.

II. Raportimi i së vërtetës

1. Gjatë punës së tyre gazetarët dhe redaktorët duhet ta respektojnë të vërtetën faktike dhe të drejtën e publikut që ta dijë të vërtetën.
2. Gazetarët dhe redaktorët, në parim, duhet të mbështeten në burime të identifikueshme të informacioneve.
3. Duhet të bëhet dallimi i qartë ndërmjet lajmeve dhe opinionëve. Lajmi nënkupton informacion të përbërë nga faktet dhe të dhënat, kurse opinioni bart mendime, ide, besime apo gjykime vlerësuese nga ana e botuesve, gazetarëve dhe redaktorëve.
4. Liria e shtypit përjashton shpifjen dhe fyerjen, nxitjen e urrejtjes apo dhunës në bazë të racës, fesë, gjinisë, orientimit seksual, statusit civil, paaftësisë, sëmundjes, moshës, etnisë apo kombësisë. Gazetarët dhe redaktorët kanë obligim që të ndalojnë promovimin e shpifjes dhe fyerjes apo nxitjes së urrejtjes dhe dhunës së çfarëdo forme. Ndalimi vlen edhe për opinionet dhe komentet brenda shkrimeve.
5. Gazetarët dhe redaktorët kanë obligim profesional që me kohë të korrigjojnë çfarëdo informacioni të publikuar, për të cilin vërtetohet se është i pasaktë.
6. Ndalohet që fotografitë, imazhet, audiot apo videot dhe dokumentet të falsifikohen dhe/ose të shfrytëzohen për qëllime keqinformimi.
7. Ndalohet për çdo gazetar dhe media të shkruar që të bëjë plagjiaturë. Gjithmonë duhet të theksohet burimi i informacionit që është publikuar diku tjetër.

- 8.** Media nuk duhet të shtrembërojë apo keqpërdor deklaratat e bëra në kontekste të caktuara.
- 9.** Mediat duhet të krijojnë praktika të qarta të identifikimit të burimeve dhe verifikimit të fakteve para publikimit të lajmit, me fokus të veçantë në identifikimin e burimit të parë të informacionit.
- 10.** Mediat duhet të angazhohen në verifikimin e fakteve qoftë brenda redaksive, qoftë duke bashkëpunuar me individë ose organizata që merren me verifikimin e fakteve.

II.1. Lajmet e rreme (Fake News)

- 1.** Mediat e shkruara duhet të verifikojnë informacionin përpara botimit, ashtu që të sigurohet se informacioni është i vërtetë, i bazuar në fakte dhe i besueshëm.
- 2.** Nëse mediat e shkruara kanë informacion të pakonfirmuar dhe atë e paraqesin në publik, atëherë duhet të bëhet e qartë për publikun se informacioni i tillë nuk është i konfirmuar. Inkurajohet që informacioni i tillë të mos botohet deri në verifikim.
- 3.** Mediat e shkruara nuk duhet të përdorin apo botojnë, shfaqin apo publikojnë në çfarëdo forme, tekste, audio, video apo dokumente të manipuluar.
- 4.** Mediat duhet të kenë kujdes në verifikimin e të gjitha llojeve të lameve të rreme, të shfaqura në formën Deepfake ose forma të tjera të ngjashme të avancuara, të krijuara me ndihmën e inteligjencës artificiale.

III. Nxitja dhe gjuha e urrejtjes

- 1.** Mediat e shkruara në asnjë rrethanë nuk do të nxisin dhe promovojnë nëpërmjet shkrimeve, fotografive, videove apo imazheve tjera të montuara veprime kriminale apo të dhunshme.
- 2.** Mediat e shkruara do të bëjnë gjithçka në fuqinë e tyre për të mos nxitur apo ushqyer urrejtje dhe pabarazi, në shkrime, opinione apo komente, duke:
 - a.** Trajtuar me paragjykim një individ apo grup mbi baza të përkatësisë etnike, kombëtare, fetare, gjinore, racore, martesore, të orientimit seksual, sëmundjes, të moshës apo paaftësisë fizike e mendore;
 - b.** Përdorur shprehje denigruese me qëllim të lëndimit dhe kërcënimit të një individi apo grupi mbi baza të përkatësisë etnike, kombëtare, fetare, gjinore, racore, martesore, të orientimit seksual, sëmundjes, të moshës apo paaftësisë fizike e mendore.
- 3.** Referencat rreth përkatësisë etnike të një individi, referencat racore, fetare, gjinore, të orientimit seksual apo rreth paaftësisë fizike e mendore do të përmenden vetëm në rastet kur informacionet e tilla kanë rëndësi të drejtpërdrejtë për ngjarjen, për të cilën raportohet.

IV. E drejta për t'u përgjigjur

- 1.** Është obligim i gazetarëve, redaktorëve dhe i gazetave, portaleve dhe agjencive të lajmeve të botojnë reagime dhe/ose demante kur mediat publikojnë informata të pasakta për një individ apo organizatë.
- 2.** E drejta për t'u përgjigjur do t'u mundësohet personave përkatës nëse botimi në fjalë përcakton që duhet të ndërmerret një hap i tillë për qëllime të korrektësisë dhe paanshmërisë. Duhet të ekzistojë mundësia për publikim të menjëhershëm të reagimit/përgjigjes në mediumin në fjalë.
- 3.** Gjatë raportimit dhe komentimit të një ngjarjeje kundërthënëse, çdoherë mediat e shkruara duhet t'i dëgjojnë dhe t'i përfaqësojnë të gjitha palët e përfshira. Gazetari, redaktori dhe media duhet të ndërmarrin çdo veprim të mundshëm për të kontaktuar palët, përfshirë por duke mos u kufizuar në telefonata, mesazhe telefonike, mesazhe në rrjetet sociale, email, letër nëpërmjet postës, kërkesë për takim.
- 4.** Nëse njëra palë refuzon t'i përgjigjet gazetarit, publikimi do të duhej ta theksojë këtë refuzim gjatë raportimit, si dhe përpjekjet që media dhe gazetari ka ndërmarr për ta siguruar përgjigjen e tij/saj.

5. Media e shkruar duhet ta njoftojë personin që po intervistohet se cila media është dhe në çfarë konteksti do të përdoret deklarimi i tij/saj.

V. Personat e përfshirë në incidente, aksidente, të arrestuar apo të akuzuar për vepra penale

1. Mediat e shkruara nuk do ta trajtojnë asnjë individ si fajtor, para se diçka e tillë të konfirmohet nga gjykata. Mediat e shkruara gjatë raportimit për incidente, aksidente apo vepra penale duhet të kenë parasysh prezuminin e pafajësisë për secilin të përfshirë dhe si të tillë duhet ta paraqesin në shkrim/raportim.

2. Gazetarët dhe redaktorët janë të obliguar të mos paragjykojnë fajësinë e një personi të akuzuar.

3. Gazetarët dhe redaktorët obligohet që të respektojnë urdhrin e gjykatës për mospublikim të informatave bazë të të akuzuarve. Raportimi nga gjykata duhet të bëhet në respektim të plotë të pikave të mësipërme.

VI. Trajtimi i tragjediave personale, mbrojtja e fëmijëve dhe të miturve

1. Gazetarët nuk do t'i intervistojnë apo fotografojnë fëmijët nën moshën 18-vjeçare rreth çështjeve që kanë të bëjnë me familjen e tyre, me ta apo me persona të afërt të tyre, pa pëlqimin e prindit apo të ndonjë të rrituri, i cili është përgjegjës për fëmijën.

2. Mediat e shkruara asnjëherë nuk duhet t'i publikojnë emrin, atësinë/amësinë dhe mbiemrin, fotografi, video apo imazhe të tjerë të fëmijëve nën moshën 18 vjeçare, të cilët janë të përfshirë apo ndërlidhur me/në aksidente, incidente, dhunë, vepra penale, fatkeqësi natyrore apo veprime të tjera.

3. Në rastet kur mediat publikojnë fotografi, video apo imazhe të tjera të fëmijëve apo të personave të tjerë, por ku shfaqen fëmijët, atëherë obligohen që t'i mbulojnë fytyrat, shenjat dalluese të fëmijës, apo rrethanat tjera që mund ta identifikojnë fëmijën (psh: shtëpia ku banon, shkolla ku vijon mësimin, lagjja ku banon etj).

4. Mediat e shkruara në asnjë mënyrë nuk do të identifikojnë fëmijët nën moshën 18-vjeçare, të cilët janë të përfshirë në vepra penale, qoftë si dëshmitarë apo të pandehur.

5. Trajtimi i rrëfimeve të tragjeditë personale duhet të zhvillohet me kujdes dhe vetëm kur ka interes të lartë publik mbi çështjen. Nëse interesi publik është i lartë, atëherë ndaj fëmijëve të prekur nga tragjedia duhet pasur qasje mirëkuptimi, mbrojtje të privatësisë, mbulim të fytyrës, dhe diskrecion.

6. Mediat duhet të respektojnë të drejtën e njerëzve për të mbajtur zi dhe duhet të raportojnë duke treguar empati dhe vetëpërmbajtje. Mediat duhet të respektojnë vuajtjet e viktimave dhe ndjenjat e familjarëve të tyre. Po ashtu, mediat duhet të tregojnë maturi me fotografitë dhe pamjet, si dhe duhet të kenë në konsideratë ndjeshmërinë e publikut gjatë raportimit.

VII. Privatësia dhe mbrojtja e burimeve

1. Mediat e shkruara do t'u shmangen ndërhyrjeve dhe kërkimeve në jetën private të një individi, përveç në rastet kur ndërhyrjet apo kërkimet e tilla janë të nevojshme për arsye të interesit publik.

2. Gazetarët, redaktorët dhe mediat e shkruara duhet të respektojnë dinjitetin e viktimave dhe familjeve të tyre duke mos i paraqitur në media fotografitë, videot apo incizimet tjera të të aksidentuarve, të të dhunuarve, të të vvarëve, të të vetëvvarëve apo personave të lidhur me ta, e në veçanti fëmijëve që janë pjesë e aksidentit, incidentit, fatkeqësisë natyrore apo veprës penale. Mediat e shkruara edhe gjatë raportimit duhet të lejojnë njerëzit të mbajnë zi privatisht, duke i trajtuar me shumë kujdes ngjarjet e tilla.

3. Mediat e shkruara nuk duhet që fotografitë ose videot nga vendi i ngjarjes t'i publikojnë pa mbuluar identitetin apo trupin e viktimave pas aksidentit, incidentit, dhunës, fatkeqësisë natyrore apo veprës penale. Publikimi i fotografive ose videove të tilla do të konsiderohet fyerje për ndjenjat e familjarëve të viktimave dhe të ndjeshme për publikun.

4. Mediat e shkruara nuk duhet të publikojnë lajme me fotografi apo video ku paraqiten viktimat apo personat e zhdukur dhe të njëjtit në raportim të identifikohen me emër dhe mbiemër. Përgjithësim nga publikimi i emrit e mbiemrit janë rastet kur për viktimat apo personat e zhdukur ka interes publik.

5. Mediat e shkruara janë të obliguara të mbrojnë identitetin e atyre të cilët ofrojnë informacione në konfidencë, pavarësisht nëse këtë paraprakisht e kërkojnë apo jo.

VIII. Trajtimi i sinjalizuesve

1. Mediat e shkruara duhet të kujdesen veçanërisht në secilin rast të sinjalizimit, ashtu që sinjalizuesi duhet të trajtohet në mënyrë të drejtë dhe t'i jepet mundësi e barabartë me personat e tjerë të përfshirë në artikull.

2. Mediat e shkruara bëjnë shkelje të rëndë të këtij kodi në momentin që fillon fushata linçuese apo fushata të degradimit për dhe kundër sinjalizuesit apo personave të lidhur me të.

3. Mediat e shkruara duhet të kujdesen që në secilin rast të sinjalizimit, personat kundër të cilëve është duke u sinjalizuar duhet të trajtohen si të pafajshëm deri në vendim të plotfuqishëm gjyqësor.

IX. Korrupsioni dhe ryshfeti

1. Gazetarët nuk do të pranojnë poste, ryshfet apo cytje të tjera të cilat shkaktojnë konflikt interesi me profesionin e tyre dhe të cilat komprometojnë kredibilitetin e tyre moral dhe profesional.

2. Gazetarët, redaktorët dhe mediat e shkruara nuk do të pranojnë veprime të caktuara zemërgjerësie, të cilat ndikojnë në pavarësinë e tyre profesionale.

X. Konflikti i interesit

1. Konflikti i interesit lind nga një rrethanë në të cilën gazetari, redaktori apo media në tërësi ka interes privat, që ndikon, mund të ndikojë ose duket se ndikon në kryerjen me paanshmëri dhe objektivitet të detyrës.

2. Gjatë gjithë punës media, redaktorët dhe gazetarët kanë për detyrë të parandalojnë dhe të zgjidhin vetë, në mënyrën më efektive të mundshme çdo situatë të konfliktit ndërmjet interesave të tyre publike dhe private.

XI. Të drejtat e autorit

1. Gazetarët dhe mediat e shkruara duhet ta respektojnë të drejtën e autorit në çdo fushë për të cilën ata raportojnë (shkrimet, hulumtimet, raportimet, lajmet, fotografitë, imazhet, videot, përkthimet etj). Plagjiatura është e ndaluar dhe konsiderohet shkelje e kodit.

2. Mediat e shkruara apo gazetarët në rast se marrin citate nga shkrimi i një medie tjetër duhet ta citojnë saktë dhe ta përshkruajnë ashtu siç është thënë në median bazë, pa e shtrembëruar atë.

3. Publikimet mund të përdoren arsyeshëm, me citate të kufizuara materiale nga publikimet tjera apo nga pronarë të së drejtës së autorit, pa leje të shprehur të tyre për ta bërë një gjë të tillë, pasi të ketë kaluar së paku 6 orë nga botimi i materialit. Megjithatë, botimi i gjithë materialit në fjalë do të mund të realizohet vetëm pas lejes paraprake të mbajtësit të së drejtës së autorit.

4. Përkthimi dhe përshtatja e materialeve nga mediat botërore dhe më pas publikimi i tyre në median e shkruar po ashtu do të konsiderohet e drejtë e autorit dhe duhet të respektohet sikur pikat më sipër.

XII. Reklammat dhe sponsorizimi

1. Reklamimi komercial e politik, si dhe materiali sponsorizues - përfshirë këtu edhe artikuj e shtojca - duhet të dallohen qartë nga përmbajtja editoriale dhe të identifikohen si të tilla.

2. Në materialin e sponsorizuar duhet të tregohet qartë burimi i sponsorizimit.

Aneksi 2 – Ankesat e pranuar dhe të trajtuara gjatë vitit 2023

1. Faruk Mujka kundër Gazetaneborn.info, miratohet
2. Shoqata e Gazetarëve të Serbisë në Kosovë (UNS) kundër Gazetaexpress.com miratohet pjesërisht
3. Fitim Haziri, Saranda Bogujevci dhe Vendenis Lahu kundër TV Llapi dhe Visionpress.tv, miratohet pjesërisht
4. Hysni Gashi kundër Indeksonline.net, Insajderi.org, Sinjali.com, Veriu.info, Drenicasot.info, Rajoni.org, Demokracia.com, Grazeta.com, Kosova Jonë, miratohet pjesërisht
5. Venom Sh.P.K. kundër Sinjali.com, miratohet
6. Xhavit Drenori (IQ Green Drenas) kundër Drenicaonline.com, e patrajtueshme
7. Kallxo.com kundër Insajderi.org, miratohet
8. Besnik Boletini kundër Kosovalive.net, miratohet
9. Ekrem Sejfiu kundër Gazetashneta.net, refuzohet
10. Ekrem Sejfiu kundër Epokaere.com, refuzohet
11. Ekrem Sejfiu kundër Gazeta10.com, miratohet pjesërisht
12. Ekrem Sejfiu kundër Gazetaexpress.com, refuzohet
13. Ekrem Sejfiu kundër Insajderi.org, miratohet pjesërisht
14. Ekrem Sejfiu kundër Insajderi.org, miratohet pjesërisht
15. Arsim Latifaj kundër Gazeta10.com, miratohet pjesërisht
16. Arsim Latifaj kundër Gazeta10.com, refuzohet
17. Arsim Latifaj kundër Gazetashneta.net, refuzohet
18. Arsim Latifaj kundër Gazetashneta.net, miratohet pjesërisht
19. Arsim Latifaj kundër Gazetashneta.net, miratohet pjesërisht
20. Arsim Latifaj kundër Gazetaexpress.com, refuzohet
21. Arsim Latifaj kundër Epokaere.com, refuzohet
22. Arsim Latifaj kundër Insajderi.org, miratohet pjesërisht
23. Arsim Latifaj kundër Insajderi.org, miratohet pjesërisht
24. Isuf Zekaj kundër Gazetablic.com, miratohet pjesërisht
25. Isuf Zekaj kundër Indeksonline.net, miratohet pjesërisht
26. Isuf Zekaj kundër Paparaci.com, miratohet pjesërisht
27. Isuf Zekaj kundër Gazetashneta.net, refuzohet
28. Isuf Zekaj kundër Gazetashneta.net, miratohet pjesërisht
29. Isuf Zekaj kundër Gazetashneta.net, miratohet pjesërisht
30. Isuf Zekaj kundër Periskopi.com, miratohet pjesërisht
31. Isuf Zekaj kundër Insajderi.org, miratohet pjesërisht
32. Isuf Zekaj kundër Insajderi.org, miratohet
33. Isuf Zekaj kundër Insajderi.org, miratohet
34. Isuf Zekaj kundër Insajderi.org, miratohet pjesërisht
35. Isuf Zekaj kundër Insajderi.org, refuzohet
36. Isuf Zekaj kundër Nacionale.com, miratohet pjesërisht
37. Isuf Zekaj kundër Veriu.info, miratohet pjesërisht
38. Arsim Latifaj kundër Sinjali.com, miratohet pjesërisht
39. YIHR kundër Indeksonline.net, miratohet
40. Zamira Rexhepaj-Mehmetaj kundër Indeksonline.net, e patrajtueshme
41. Gjon Karrica kundër Indeksonline.net, refuzohet
42. Gjon Karrica kundër Indeksonline.net, refuzohet
43. Gjon Karrica kundër Indeksonline.net, refuzohet
44. Gjon Karrica kundër Indeksonline.net, miratohet
45. Gjon Karrica kundër Indeksonline.net, miratohet
46. Gjon Karrica kundër Indeksonline.net, miratohet
47. Gjon Karrica kundër Botasot.info, miratohet
48. Gjon Karrica kundër Botapress.info, refuzohet
49. Gjon Karrica kundër Gazetainfokus.com, miratohet
50. Gjon Karrica kundër Gazetametro.net, refuzohet
51. Gjon Karrica kundër Kosovarja-ks.com, miratohet
52. Gjon Karrica kundër Nacionale.com, refuzohet
53. Gjon Karrica kundër Shqip.com, refuzohet
54. Gjon Karrica kundër Gazetablic.com, miratohet
55. Gjon Karrica kundër Paparaci.com, refuzohet
56. Gjon Karrica kundër Paparaci.com, refuzohet
57. Gjon Karrica kundër Paparaci.com, refuzohet
58. Gjon Karrica kundër Paparaci.com, refuzohet
59. Gjon Karrica kundër Paparaci.com, miratohet
60. Gjon Karrica kundër Insajderi.org, refuzohet

61. Gjon Karrica kundër Insajderi.org, refuzohet
62. Gjon Karrica kundër Insajderi.org, miratohet
63. Gjon Karrica kundër Insajderi.org, refuzohet
64. Gjon Karrica kundër Orainfo.com, miratohet pjesërisht
65. Artan Ahmeti kundër Paparaci.com, e patrajtueshme
66. Komuna e Shtimes, përfaqësuar nga Zeka Law kundër TV T7 dhe Gazetaexpress.com, e patrajtueshme
67. Ardian Rusta kundër Nacionale.com, miratohet pjesërisht
68. Shyqri Haxha kundër Dukagjini.com, refuzohet
69. Shyqri Haxha kundër Ekonomiaonline.com, refuzohet
70. Shyqri Haxha kundër Gazetablic.com, refuzohet
71. Shyqri Haxha kundër Kallxo.com, refuzohet
72. Shyqri Haxha kundër Koha.net, refuzohet
73. Shyqri Haxha kundër Koha.net, refuzohet
74. Shyqri Haxha kundër Kosovanews.net, refuzohet
75. Shyqri Haxha kundër Telegrafi.com, refuzohet
76. Bejtullah Deliu kundër Insajderi.org, miratohet
77. Bejtullah Deliu kundër Kosovanews.net, miratohet
78. Bejtullah Deliu kundër Kosovanews.net, miratohet pjesërisht
79. Bejtullah Deliu kundër Disidenti.net, miratohet pjesërisht
80. Bejtullah Deliu kundër Fmimages.net, miratohet pjesërisht
81. Bejtullah Deliu kundër Paparaci.com, miratohet pjesërisht
82. Bejtullah Deliu kundër Reporteri.net, miratohet pjesërisht
83. Bejtullah Deliu kundër Sinjali.com, miratohet pjesërisht
84. Bejtullah Deliu kundër Insajderi.org, miratohet pjesërisht
85. Bejtullah Deliu kundër Insajderi.org, miratohet pjesërisht
86. Bejtullah Deliu kundër Insajderi.org, miratohet
87. Lulzim Sallahu, Naim Sallahu, Sallahu Sh.P.K. kundër Insajderi.org, miratohet
88. Melihate Tërmkolli kundër Botasot.info, e patrajtueshme
89. Qemail Aliu – Komuna e Shtimes kundër Demokracia.com, Gazetaexpress.com, Paparaci.com, Kosova-sot.info, Faktheplus.net, Kosovalive.net, Gazetaere.com, O2press.com, miratohet pjesërisht
90. Donika Gërvalla-Schwarz kundër Demokracia.com, miratohet
91. Ozone Hair Clinic Sh.P.K. kundër Paparaci.com, miratohet pjesërisht
92. Laberion Sh.P.K. kundër O2press.com, miratohet pjesërisht
93. Laberion Sh.P.K. kundër Botapress.info, refuzohet
94. Laberion Sh.P.K. kundër Frontonline.net, miratohet pjesërisht
95. Laberion Sh.P.K. kundër Frontonline.net, refuzohet
96. Laberion Sh.P.K. kundër Gazetablic.com, miratohet pjesërisht
97. Laberion Sh.P.K. kundër Insajderi.org, miratohet pjesërisht
98. Laberion Sh.P.K. kundër Insajderi.org, refuzohet
99. Laberion Sh.P.K. kundër Sinjali.com, refuzohet
100. Laberion Sh.P.K. kundër Sinjali.com, refuzohet
101. Laberion Sh.P.K. kundër Sinjali.com, refuzohet
102. Laberion Sh.P.K. kundër Veriu.info, refuzohet
103. Laberion Sh.P.K. kundër Veriu.info, miratohet pjesërisht
104. Bashkim Osmani kundër O2press.com, refuzohet
105. Bashkim Osmani kundër Betimiperdrejtesi.com, refuzohet
106. Bashkim Osmani kundër Frontonline.net, miratohet pjesërisht
107. Bashkim Osmani kundër Insajderi.org, refuzohet
108. Bashkim Osmani kundër Insajderi.org, miratohet pjesërisht
109. Bashkim Osmani kundër Insajderi.org, refuzohet
110. Bashkim Osmani kundër Kallxo.com, refuzohet
111. Bashkim Osmani kundër Kosovaime.tv, refuzohet
112. Bashkim Osmani kundër Kosovaime.tv, miratohet pjesërisht
113. Bashkim Osmani kundër Nacionale.com, refuzohet
114. Bashkim Osmani kundër Orainfo.com, refuzohet
115. Bashkim Osmani kundër Gstilografi.online, refuzohet
116. Bashkim Osmani kundër Gstilografi.online, refuzohet
117. Bashkim Osmani kundër Veriu.info, miratohet pjesërisht
118. Bashkim Osmani kundër Veriu.info, refuzohet
119. Bordi i RTK-së kundër Kallxo.com, refuzohet
120. Dibran Zogaj dhe Ilir Kurti kundër Kallxo.com, e patrajtueshme
121. Xhavit Haliti, përfaqësuar nga avokati Gent Spahija kundër Botasot.info, miratohet
122. Vedat Bahtiri kundër Kosovalive.net, e patrajtueshme

123. Teuta Mahmutaj Gashi kundër Insajderi.org, refuzohet

124. Drilon Gashi kundër Pejanefokus.net, refuzohet

125. Drilon Gashi kundër Botapress.info, refuzohet

126. Drilon Gashi kundër Nacionale.com, refuzohet

127. Drilon Gashi kundër Nacionale.com, refuzohet

128. Drilon Gashi kundër Nacionale.com, refuzohet

129. Drilon Gashi kundër Insajderi.org, refuzohet

130. Drilon Gashi kundër Insajderi.org, refuzohet

131. Drilon Gashi kundër Gazetaexpress.com, refuzohet

132. Mefail Bajqinovci kundër Insajderi.org, Gazetaexpress.com, Paparaci.com, Nacionale.com, Gazetametro.net, refuzohet

133. Paykos L.L.C. përfaqësuar nga Armend Zeqiraj kundër Insajderi.org, miratohet pjesërisht

134. Paykos L.L.C. përfaqësuar nga Armend Zeqiraj kundër Botasot.info, miratohet pjesërisht

135. Matkos Pharm Sh.P.K. përfaqësuar nga avokati Sylejman Klinaku kundër Insajderi.org, refuzohet

136. Gjykata Themelore në Prizren kundër Nacionale.com, miratohet

137. Liza Gashi, MPJD kundër Betimiperdrejtesi.com, e patrajtueshme

138. Dokufest nëpërmjet avokates Valtida Shukriu kundër Rtvbesa.com, miratohet

139. Bedri Sallova kundër Sinjali.com, Botasot.info, O2press.com, miratohet

140. Mexhit Ibishi, përfaqësuar nga avokati Mahmut Halimi kundër Paparaci.com, miratohet pjesërisht

141. Mexhit Ibishi, përfaqësuar nga avokati Mahmut Halimi kundër Sinjali.com, miratohet pjesërisht

142. Mexhit Ibishi, përfaqësuar nga avokati Mahmut Halimi kundër Lajmi.net, miratohet pjesërisht

143. Mexhit Ibishi, përfaqësuar nga avokati Mahmut Halimi kundër Insajderi.org, miratohet pjesërisht

144. Mexhit Ibishi, përfaqësuar nga avokati Mahmut Halimi kundër Gazeta10.com, miratohet pjesërisht

145. Besnik Polloshka, përfaqësuar nga avokati Izet Shala kundër Kallxo.com, Betimiperdrejtesi.com, Rtklive.com, nuk miratohet

146. Faton Sylejmani dhe Loris Sylejmani, të përfaqësuar nga avokati Kristijan Ramaj kundër Insajderi.org, miratohet

147. Rifat Kalimashi, i përfaqësuar nga avokati Durim Nevzati kundër Insajderi.org, miratohet

148. Leotrim Strabanja kundër Gazetaprishtina.info, IndeksOnline.net dhe Kosovarja-ks.com, e patrajtueshme

149. Agron Beka kundër Betimiperdrejtesi.com, e patrajtueshme

150. Yllza Berisha kundër Ferizaj.info, e patrajtueshme

151. Yllza Berisha kundër Insajderi.org, e patrajtueshme

152. Bademe Berisha-Baliqu kundër Nacionale.com, miratohet

153. Lekë Shala kundër Insajderi.org, miratohet

154. ShF & ShMU "Hasan Prishtina", Prishtinë, Sofije Bunjaku kundër Gazetainfokus.com, refuzohet

155. Milaim Zeka kundër Botasot.info, miratohet

156. Besnike Ukmata, Arianit Dobroshi, Arianit Islami kundër Expose Media, e paafatshme

157. Shukrije Rama kundër Reporter.net, refuzohet

158. Shukrije Rama kundër Insajderi.org, refuzohet

159. Shukrije Rama kundër Nacionale.com, refuzohet

160. Enver Gashi kundër Sinjali.com, miratohet

161. Venhar Hana kundër Kallxo.com, e patrajtueshme

162. Donat Jashari dhe Valon Fetahu, përfaqësuar nga avokati Ridvan Kajtazi kundër Paparaci.com, miratohet

163. Isni Jemini përfaqësuar nga avokati Ridvan Kajtazi kundër Sinjali.com, miratohet

164. Drejtoria e Arsimit Prizren, Atila Arzuallxhiu kundër Nacionale.com, refuzohet

165. CEL Kosova, CSGD, YIHR, QKSG dhe CRD kundër Sinjali.com, miratohet

166. Teuta Fejzullahu kundër Shqiptarke Krejt, e patrajtueshme

167. Alban Fazliu kundër Jepize.com, e patrajtueshme

168. Dren Paca kundër Insajderi.org, miratohet

169. Enver Cërvadiku kundër Insajderi.org, miratohet

170. Besard Belegu dhe Lavdim Terziu kundër Lajmi.net, miratohet pjesërisht

171. Besard Belegu dhe Lavdim Terziu kundër Gazetascanner.com, miratohet pjesërisht

172. Besard Belegu dhe Lavdim Terziu kundër Albanianeducation.net, miratohet pjesërisht

173. Gjykata Themelore Gjakovë kundër Insajderi.org, miratohet

174. Gjykata Themelore Gjakovë kundër Insajderi.org, miratohet

175. Limit Project Sh.P.K. përfaqësuar nga avokati Taulant Ferizi kundër Rajonipress.com, e patrajtueshme

176. Aleksandra Jovanoviq kundër Kosovapress.com, miratohet

177. Ramiz Lladrovci kundër Rajoni.org, miratohet

178. Artan Maloku kundër Insajderi.org dhe Albanianeducation.net, refuzohet

179. Naim Uka kundër Paparaci.com, miratohet

180. Kosova Med Healthcare Sh.P.K. kundër Insajderi.org, refuzohet

181. Rinard Pulaj kundër Betimiperdrejtesi.com, e patrajtueshme

182. Ministria e Arsimit, Shkencës dhe Teknologjisë kundër Gazeta10.com, miratohet

183. Verdi Krasniqi kundër Lajmi.net, refuzohet

184. Agim Hyseni kundër Insajderi.org, refuzohet



Këshilli i Mediave të Shkruara të Kosovës
Press Council of Kosovo
Savet Štampe Kosova

ETIKOS

Etika e raportimit në media online

2023